

平定兩金川方畧

三

二

平定兩金川方略

卷二

二

平定兩金川方畧卷之八十六

正月乙丑明亮富德奏言。

臣

等查當噶爾拉山

勢漫延。不能直前牽綴。只可於阿布爾則德烏

塘二處。設爲疑兵之計。

臣

富德與奎林自應同

赴馬奈。力圖進取。於事更爲有濟。茲於本月二

十八日。據探路番人回稱。繞至思覺地方。四面

瞭望。約有七八十戶。實爲克舟九寨屏障。必須

攻克。但思覺在博堵之上。路徑雖有三條。皆雪深冰滑。倍難行走。士兵等感激。

天恩。情願先取博堵。以便搶奪思覺等語。臣等查河

北馬奈一路。前已探明。由駱駝溝發兵。一取馬奈。一取卡卡角。惟溝內路遠山高。林深箐密。必須逐步攀越而上。繞出最爲不易。當於布拉克底之臨卡地方。密爲進發。使不及防。其河南博

堵一路從深嘉卜而往。難以藏身。臣等悉心籌

畫。由墨壘溝越過甲木山梁有路可通博堵。從

此發兵。更爲出其不意。但念河南北各路俱有

數日程途。官兵移動。究不如土兵趨捷。是以先

將屯土兵丁。照所擬道路。令其分頭先進。一面

即將滿漢兵丁。酌派續進。臣等臨時各就緊要

之地。迅往督率。現准阿桂札知。於正月初十日。

會同各路。一齊進攻。茲將地方遠近。扣定日期。
卽遵

欽定吉期。於本月二十八日。先行整隊起程。以叶師
行之吉。所有安臺設站各事宜。亦飭臬司李世
傑。密爲布置。均可無誤。惟正地一帶。本爲緊要。
因留兵二千人。僅敷守禦。而南路軍營。又斷難
抽兵添往。恐賊人出而滋擾。於格藏橋甚有關

係^臣等密札副將鄭國卿在革布什咱番戶內

再行添募。務卽攢湊漢土官兵百餘名。帶往甲
魯。與正地山口交界處所。扼其要害。大張聲勢。
作爲進攻之狀。使賊不敢輕量我兵虛實。不惟
防守無虞。且足爲牽綴之用。奏入。

上諭曰。所籌皆合機宜。速望捷音之至。

同日。豐昇額奏言。^臣前接阿桂札調。令^臣前往

凱立葉進攻。臣現帶官兵三千三百名。並抽撥

原駐丹壩兵丁六百名。向卓克采進發。其餘一

千六百餘名。仍交總兵五福副將李天佑。在丹

壩分防駐守。茲復接阿桂來札。約於正月初十

日會攻。臣惟有趕緊辦理。至期督率將士奮迅

直前。以期早爲集事奏入。

丙寅。

上諭內閣曰。前因總兵敖成補授鎮遠。復調赴南路帶兵。所遺威寧鎮總兵員缺。令阿桂揀員奏補。今據奏乾清門三等侍衛特成額。自赴軍營以來。奮勉學習。有志向上。亦能帶領綠營兵弁。令其署理等語。著照所請。貴州威寧鎮總兵員缺。卽著特成額署理。

同日阿桂。色布騰巴爾珠爾奏言。臣等接豐昇

額來札。定於凱立葉一路前來。惟是將軍行動。

易爲番衆傳揚。因囑豐昇額先爲揚言。欲來美

諾底木達等處。與各路將軍會合。俟至曾頭溝。

薩爾赤鄂羅山溝。猝然進剿。庶使賊人無備。但

豐昇額處兵力。尙爲單薄。且豐昇額由卓克采

前進。經過各隘口內。如孟拜拉。腊覺溝。各應留

兵二三百名。會頭溝口亦應設兵三四百名。已
令官達色於所帶分駐黃草坪兵內撥出八九
百名分駐各處。庶後路可以無虞。再三雜谷土
兵之在宜喜者共一千餘名。臣等向聞其與綽
斯甲布不和。留在該處無益。應令隨豐昇額進
剿。伊等距其巢穴甚近。自必倍多踴躍。而舒常
處尚有漢兵四千七八百名。又綽斯甲布土兵

三千六百名。共計有兵八千餘名。以之牽綴駐守。無虞不足。臣等又派健銳營兵五百名。索倫兵二百名。令與前次所派之三百名。合爲一隊。又派西安駐防一千名。與豐昇額所帶之西安駐防。均歸副都統書麟管轄。又派陝甘兵三百名。令侍衛伊達里。常保住等帶往。扣計路程限於初十日。直取薩爾赤鄂羅山。隨同豐昇額一

路進攻。聽其調度。是豐昇額處已有兵萬餘。聲
勢更爲壯盛。臣等屢將進剿機宜。詳悉指示。并
道路里數。繪圖貼說。星馳寄往。又派番人二名。
前往以爲嚮導。自能收分路合攻之力。至明亮
處。思覺探路之人。尙未回營。并據札知於二十
七日。自納木覺爾宗移營前赴章谷。俟得思覺
之信。發兵進剿。亦可無誤此期。臣等已將應駐

之兵。抽撥駐守。進剿之兵。皆令夜行晝伏。密赴
布朗郭宗一帶。聽候進發。所有火藥鉛丸。及應
領乾糧米麵。於初五日以前盡行妥備。臣等於
正月初一日。自美諾起程。一至布朗郭宗。卽於
初六日進發。於初十日攻開谷噶了口。爲長驅
直搗之計。

同日。阿桂。色布騰巴爾珠爾。又奏言。賊目丹巴

沃雜爾等在卡外。喚稟話。臣等酌令土弁阿

忠前往。並授以嚴切之詞。預備登答。嗣阿忠到

卡倫外。丹巴沃雜爾等稟稱伊等土司已將僧

格桑拘禁。欲行獻出。如大人不信。可差一二名

兵丁往驗。便知真假。經阿忠等告以

天朝威力。不難蕩平賊境。亦無慮僧格桑逃往何處。

丹巴沃雜爾又以實欲獻出僧格桑爲詞。並及

從前十三年間。准其投降。不但岳鍾琪至其境
內。卽地方官員亦曾來往。今不但不見官員入
境。且兵丁亦不見來。惟恐乞降不允。因此懷疑。
阿忠又斥以

天朝斷無遣人至爾境之理。毋用多言。至數日後。丹

巴沃雜爾又差人喊稟。

臣

等飭令卡兵嚴斥。置

之不理。至小金川降番已全移徙。而竄在金川

者精壯番丁。不過數百人。卽僧格桑稍延殘喘。亦無慮其出而勾結。况僧格桑旣已被拘。則逆酋之心已離。索諾木等亦不便再爲放出。此時大兵已尅期合剿。萬無中止。則逆酋再有稟詞。亦不值更爲回諭。均奏入。

上諭軍機大臣曰。阿桂奏分路進兵情形。及籌添豐昇額處兵丁一摺。所辦俱合機宜。可謂盡心籌畫。